

6. november 2013

UKA 2013/34
Hans Enoksen

Inissianik attartortut piffissaq eqqorlugu akiliuteqartartut siunissami attartortunut akiliineq ajortunut akiliussisarnerannik aningaasartuutinullu taakku akilinggisaannik akiliisarnerannik pisussaaffeerullugit, inissianik akiliutit aalajangersarneqartarnerat pillugu maleruagassanut atuuttunut Naalakkersuisut allannguutissaannik siunnersuusiornissaat pillugu Inatsisartuni aalajangiiffigisassatut siunnersuut.
(Inatsisartunut ilaasortaq Kim Kielsen, Siumut)

Siumut aalajangiiffigisassamik siunnersuuteqarluni inissianik attartortut piffissaq eqqorlugu akiliisartut akiliineq ajortunut akiliussisarnerannik pisussaaffeerullugit aaqqissuussisoqarnissaanik siunnersuut soqutiginarloq isummersorfigissallugu pissanganartoq.

Siumumi pingaartilluinnarparput innuttaasut tamarmik pisinnaatitaaffigisaat ineqartussaati-taaneq tamatsinnut atuuttariaqarmat, akissaqarutta akissaqanngikkuttaluunniit, tassami issittumi najugaqarpugut kialaarfissaqarlutalu ineqarnissarput pinngitsoorsinnaanngilarput tamatta.

Taamaakkaluartoq innuttaaqaterpassuagut pisinnaatitaaffeqartinngilagut, amerlavallaarput inissaaleqisut, minnerunngitsumillu angerlarsimaffeqartinngisagut inuppasuit sumi ta-maani oqquiffissarsioqattaartut ilisimavagut tamannalu pisinnaatitaaffianeruvoq illersor-sinnaanngisarput issittumimi najugaqarpugut inuillu kialaartumi ineqarnissaat suliassa-raarput isiginngitsuusaaginnarnagit.

Illumut pissusissamisoorpa piffissaq eqqorlugu akiliisartut ullumikkut periuuserineqartoq ma-lillugu akiliinngitsoortartut akiligassaraluinik akiliussisussanngorlugit, tassami tamatuma kingunerisarpaa piffissaq eqqorlugu akiilisartut pillarneqarlutik suli iniminnut annertuneru-sumik akiliisussanngortinneqartarnerat pineqartuni akuerinnarneqarsinnaajunnaarmat.

Siunissami ineqarnikkut aaqqissuusseqqinnissaq pinngitsoorneqarsinnaanngitsoq Siumu-mit oqqaatigissavarput. Ingerlatsineq akilersinnaasarput tikittariaqalerparput, tassami ilu-moorsinnaanngilaq 50-60-kunni illut inissiallu sanaat ineqartunut akitsoriartuinnavissut aammalu ingerlatsinerit akisorujussuarmik ingerlatsiffiusut illumut taamaaginnassanersut nalilersortariaqarpagut.

Aammalu ullumikkut boligsikring illumut taamaaginnassanersooq ilanngullugu nalilersortari-aqarpaput, tassami sulineramik inuussutissarsiutillit SIK malillugu aningaasarsiallit ullumik-kut akilersinnaanngisaminni allaat najugaqarlutik akilersuimmata aallaat inuuniarnermikkut ajornartorsiorluinnartarlutik meqqaminnut inuussutissaqartitsiniarnerat atisassaqartitsiniar-tarnerallu ilaatigut periarfissaaruttarlutik.

Aamma taamatorluinnaq inissisimapput angajoqqaat kisimiillutik meqqaminnik pilersuisut ajornartorsioqalutik pilersuiniarsarisut pingaartumik ineqarnerminnut akiligassat qaffasip-pallaarnerat pissutigalugu.

Taamaattumik Siumumit piumasariniarparput pisortat inissiataannut tunngasut misissuiffi-gineqarnissaat ingerlatsinerillu qanoq iliornikkut akikillisarneqarsinnaaneri ilanngullugit minnerunngitsumillu aningaasarsiakitsut akilersinnaasaannik ineqartitsinissat misissor-neqarnissaat ilanngullugit.

Taamatut oqaaseqarluta Siumup siunnersuutaa tamakkiisumik taperserlugu Ilaqutariin-nermut Ataatsimiititaliami suliarineqarnissaa innersuussutigaarput.